

## Èl 6 ëd via Coni

*Musica e testo di Gipo Farassino*

Èl 6 ëd via Coni a l'é na ca veja  
che gnanca na vòlta a l'era nen bela.  
Davanti al porton, doe bale 'd ciman  
a paravo ij canton dël crep dij carton  
ch'a intravo e cariavo jë scart ëd metal  
da cola officin-a, là an fond a la cort,  
na cort con le sterne piantà an sël batù.  
D'an mes a sta cort, se ti t'ausse j'euj  
it vèdde ij pogieuj, carìa dë stendù a con tanti tacon.  
Su ògni pogieul j'é un pàira d'alògg  
e un cess an comun; j'é nen na masnà,  
j'é mach tant rabel e odor ëd frità.  
A l'é pròpe lì, al fond dël prim pian, che son naje mi.  
Mi i guardo ij pogieuj con cole ringhere carìa dë stendù a,  
là al fond ëd la cort a-i é 'l finimond ch'a fà l'oficina  
e 'l cel lassù an aria a smija un tendon  
d'un gris così spòrch ch'a crija: "Laveme".  
Am buta vèrgògna. Vèrgògna... ma 'd còsa?  
D'esse na sì, an mes a sta cort,  
an cole doe stànsie col cess an comun,  
i l'hai quasi paura ch'a-i sia quaidun  
che ancora as ricòrda che mi i son nà sì,  
paura ch'a-i passa quaidun ch'am conòssa,  
dovèj ciamé scusa, dovèj-je conté  
ël percome, ël pèrchè, che ij mé j'ero pòver.  
Am monta 'l magon e am ven da pioré.  
Ma peui àusso j'euj lassù al prim pian,  
e i vèddo mia mama... a rij e am fà ciao,  
così, con la man: antlora am ven veuja  
ëd core 'nt la strà, fèrmé 'l prim ch'a passa,  
crijéje: "Monsù! Ma a lo sa chiel che sì,  
al 6 ëd via Coni, i son naje mi?"